

Jekkabaara

Jamana



World Vision

Cikela ceman n'a musoman kunnafoniseben

a-be-bo kalo o kalo

Jamana baarada la BP: 2043 Bamako (Mali)

Ka se CMDT Ciklaw ma Koɔribɔjoona kan

ŋe 4-5nan

Kalo ladilikan

Bi-bi in na, Sidako kelen be suman ka daga fara ye. A kuma be bo da bee kono fan bee fe. A kelen be sababu ye ka bee siga i yere la, sanko jenogon gansan. Aa ! Tine yere la, Sida kera sanbalano ye sa dere. Ka na bana tow ko, k'i selibaka-lofesen u ce ro, k'u togo latunu. Duguba kono, bee kan be ko Sida ; dugu misenw kono, bee kan be ko Sida ; hali togodaw kono, bee ko Sida. Aa ! Nin sabujugu-fje in dun bora min k'an fifa ?

Nka de ! Do ka fo Na ye, do ka fo Na celakaw fana ye dere. Sida te maa segere, maa de be Sida segere. Taafebolo fonikotelin tigilamogow, kulusijala moromorobaga gansan tigilamaaw, fo ka se an bee je farilaben makojeminen tabagaw ma : lamu, siri-fe, dasusumiseli ni fariborotominen wewew tigilamaaw..., ninnu bee de ye Sida taasira bogagaw ye adamadenw ni nogen ce. An dun k'a don ko sidabana sorbagaw de be ye, nka ko Sidato keneyalenw te ye abada ! An ka siran Sida ne ka soran ja ma wuli, o ba to an b'an yere tanga a ma, ka soran bolibagato a ne, an ma taa an yere bila a da kono. Sida ye waraba ye min te bin fen kan. Nka ni fen min binn'a kan, o ta yere soran a la cogos si la. Kelen kelenpe min b'an bolo sidako la, o ye yere minne ye ani jantonyere la. K'i jenogon sugandi ani ka ladiriya a ma. Ce kelen muso kelen ; lamu kelen, mogo kelen ; fari jolibomuru kelen, mogo kelen. Sida si banna dere !

Tumani Yalam Sidibe



Sida n'a nofekasaaraw

ŋe 7-8nan

Bla dogtoroba Alasani Diko ka hakilinanw ka
ŋesin World vision ma

ŋe 11nan

"Kalan be mogo son hakili la, nka kunnafoni be mogo bo kunpan na". Yoro Ulen Sidibe

Ko dijne te so ye wa ?

An ka dijneatige taabolo kuma köröba dō ye nin ye aw körö : "Dijne te so ye, lahara te taayörö ye". Nk'o n'a ta bëe, minnu b'a fo, olu b'a fo dijne in de körö sanni u ka laharataa ce. O b'a jira ko kuma in te doweré ye kumalankolonba gansan kō. So wëre te adamaden na dijne köröna kō. An be wolo ale de körö, k'an ka balo kuntaala bëe k'a körö, ka juguya walima ka numanya k'a körö, ka sörö ka laharasira miné a körö. O la, jön de b'a fo ko dijne te so ye ! Nin yörö in na n da bëna se an ka maaya taabolo girin dō de ma, min tun b'an ka dijneatige noörö danbe körö. O te doweré ye an ka sigi taabolo yere kō : bali-maya ; sinankunya ; furunjogonya ; dunan-ni-jatigiya, fo ka se hörönya ni namakalaya taabolow ma adamadenw ni nögön ce. An k'a dōn ko nin taasiraw bëe de tun b'an tin don nögön na sigida körö, ani ka bëe sigi i sigiyörö la, bën ni karaama körö. Aw m'a ye, nin taabolow boli barika la an bolo, o kelen be k'an bëe ke dōnbaliso mögöw ye, minnu ninenma u jujön kō, ka kamanagan u labanko la. N'i y'a ye an ka maaköröw tun be nin taabolow sinsin sigidaw körö, u tun b'u nafa de dōn. "Seba te fenjugu ferefere ka bila a denw körö". Awa, an k'a dōn fana ko : "Mögo b'i pan musokörönen bo kunna, o be se ka ke ka sörö baasi t'a la. Nka mögo t'i pan musukörönen dönkofilatigi kumakan kunna, ka masörö baasi b'o la".

Dunan-ni-jatigiya ; bali-maya juru sinsinni ; furunjogonya ; hörönya ni namakalaya, olu n'u nögöenna taabolo barikama caman wëre, olu de tun b'an ka sigi diya ; ka du sinsin ani ka adamadenya diya adamadenw ni nögön ce. Sako tun te kotigi si la i sinankun söröyörö kene kan ; ce tan ni muso tan tun b'u magan maa kelen tögölaforo kene körö bali-maya sira fe ; aa ! fijenw ni bogdagaw ni maamakonfen t'ow bëe tun be lalaga nunukew ni numumusow fe, ka sigida lahine

walasa hörönw k'a dōn k'olu de y'u maatigiw ye. Aw m'a ye, an be ce ñana fën o fën tögö men fo ka se bi ma : mugutigiw ; dabananaw ; kalatamoriw ; maaba suguya wërew ; o

sababu bora naaraw la dëre. O bëe n'a ta, ni tunga te danbe dōn an ka bi tile in na, kunu maa si taayöröntan tun te, barisa jatigi numanw tun be fan bëe, minnu tun sigilen b'a kan ko maa ni so te yaala ; ko n'i ye waliden dunanma kuben cogo min, k'i fana taw be kuben don dō o lahalo kelen körö yörö wëre maa dō fe.

An kana to hakili munumunubali ye ka nesin an jujon kow ma. An kana tige an ka koköröw la, ko dijne geleýara an ma, walima k'a nögöyara an ma. N'o kera an be tugun walikörölen dō de labenko numan kō. O dun t'an ma here ye.

Maa dōw b'a fo ko mun na ne ka nin sen in nebila bolira jemukan in kan. U k'a dōn ko maa hakilima te mugu k'a da min neginji t'a bolo. An be geleýa caman körö bi, o sababu b'an yere ka dijneatige taabolo yelemacogow de la. An filila an yere ma, o ye nantankolonw caya an senkörö, ka sörö dugukointanya te. Maafuw cayara an senkörö k'o sababu ke adamadenw ka makobögögnna ye ; bëe n'i kuntilenna. Fata ko te ; bata ko te. Bëe ko n'yerékun ni n hakilinan



taabolo. Furu caman te furu ye belen ka masörö cew te furu siri belen min juru kun te musow bolo. Dugubaw körö, ceköröni kelen de be magan na ka fugari ce tan balo, barisa galabu t'u la k'u joyörö fa dijne in körö. Ni dijne te so ye, an k'a dōn ko so bëe dagayörö ye dijne de ye de !

An ka hine an yere la, ka segin an yere ma, ka k'an yerew ye kokura. N'o kera an be foroba Ala in ka hine juru kun sörö an bolo ; ale min te maa kelen si fa ye.

K'an ben bosen wëre
Tumani Yalam Sidibe

Bi maaya

Aa ! Ne siranna
Ne siranna bi maaya ne
I datuma karisa la
O de y'i bönewaati ye karisa fe
Denw te to
Musow te to
banji te to
Sanko a keminen.
Ko n'i ma misidennin to
a sogpmabiri ye ;
i b'a to a wuladabiri ye.
Bi maaya
taafebolo ni kulusijala
mana fo nögön kō,
i k'a dōn
bomensi be kuru turukala ye
Awa o te faamu
Hakilisenutigi si fe
Nka bi maaya don
ka don mögo kan
ka bō n'a ye
i n'a fo Segu tönjönw
ka siwoloko Segu gun kan
Jaa ! jön ko ko maaya be yen
N ka o da fa woro sanbali la
i körö sisan

Tumani Yalam Sidibe

Hakilisénékéné

Maa be ko dō la, ko wëre ne b'i la. Dijne be ten de. Maa si tugubagato te garan don a ka dijneatige taabolo numan na. Maa filibagato de b'o ke, ka sörö ka nimisa bögö dun. O b'a sörö ninen ni juguw be k'a fo : "Aa ! A ker'a la !" Ni fölow ta ye hinéko ye, filananw ta ye danperéboko ye. O kanma an k'an janto an yere la. O de b'an köröce ne !

Tumani Yalam Sidibe

Yerékiimee kéné n°2 nan

Nin yoro in na an be taa ne ni karamogo Bonifasi Danbele ka yerékiime masalabolo filanan ye. I n'a fo jekabaa-
ra ka setanburukalo boko ta, nin jaabi sorolenw fana be ke batakiw ye aw bolo ka ci jekabaara ma.
Yerékiime kéné in nafa ka bon kosebe. A b'a to kalanden koro ni kalanden jolen be se k'u ka dönni lasabati ani
kato kalanso kono waati bee. Bee b'a don ko kalan te fen bilata ye, kamasoro n'i ninena ale ko dörön a fana be ninei
ko.

Kunnasebenni ; Karawa komini

Karawa komini ko ye patisakana ye. Kabi maraw cemanbora, karawa komini y'a yere togoda. Komini mara duguw
bee murutira k'a sabu ke kunun ye ; bawo, karawa ye jamanatigidugukoro ye. Meri sigi ni komini labenbaara tow
ma ke maasi kuntlena ye karawakaw yere ko. Fama ka kuma m'o ne, maa were si ka kuma m'o ne. Mara
cemanboli kuma te se ka fo mogo si ye. N'i da ser'a ma mogo min ye, o be korele do sama ka bo waatijan
temenenw kono, k'o k'a bankun ye

Fili tan (10) be masalabolo in kono. A' ye masalabolo seben kura ye ka filiw bee latilen. O ko a' be masalabolo
kononahakilina fesefese.

K'an ben n'aw ka jaabiw ye!

**Karamogo Bonifasi Danbele
jaabi laseyoro
jamana baarada
BP : 2043 Bamako (Mali)**

Kunnafonigelen Falatoya ye galo ye d're !

Y.C. ka keleya danteme kojugu
ye Kaja Kone muluku. Keleya ye
bana ye min ka jugu hali ni fa ye.
Nin wale in kera Samaya. Kati
mara la : Kaja Kone n'a be wele ko
Mah, npogotigi don min maminena
ce do fe. Nka kamalen were be
Samaya ko Y.C., ale fana nebora
Kaja fe. Tuma o tuma a be taa sira
d'a ne k'a ka kanuko fo a ye, nka
Kaja ma son. U tor'o cogo la fo
marisikalo temenen in na, Kaja
balima do tun be na ka bo Dakaro,
o la Kaja y'i laben k'a be taa o
kunben, a wulila ka se takisibolila
do ma Samaya, o ye Y.C. balimake
do ye. Tuma min a n'o be teremene
na, Y.C. nana i jo ko takisibolila te
taa ni Kaja ye. A ma dan o ma, a
be to ka Kaja nen k'a dogoya. Kaja
kelen k'a dalamine o yoro bee a y'o
mine k'o noni dinge kono ji toli la k'a
numanfesen kari fo kariyoro fila, k'i
ko don, fo mogo were de nana Kaja



deme ka taa n'a ye Gabiriyeliture
dogotoroso la. Y.C. n'a somogow si
ma taa a file. Kuma selen sandara-
maw ma, olu ye Y.C. mine, tile
damado, bawo Y.C. koreke n'a
somogow wulila ka se Kaja ka
mogow ma k'u k'a ko laje maaya la.
Y.C. koreke ye lahidu ta k'a b'i jo ni
Kaja ka furakeli musakaw bee ye.
N ka kabini o kuma fodon, a y'i ban
ka jo musakaw koro, Y.C. yere be

taa kuma kolonw fo Kaja ye fo a ka
so. Jaa Kaja yere ye falato ye a fa
n'a ba si te yen. O cogo la a
maminke y'a ta ka taa n'a ye fara-
finfurakelaw yoro, olu ma se k'a sen
tugu, a tagara n'a ye dogotorow fe
tuguni, o musakaw benna sefawari
dorome 17 800 ma, tile 10 kofe o
dogotorow desera. Olu fana y'a bila
Katikaw ka bolo kan, Kati dorotorew
fana ye fura minnu seben o benna
sefawari dorome ba 21 ma. Furakeli
songo ye dorome ba 20 ye. Jigi
were te Kaja la a maminke ko.
Falaya y'a ka jonya jo a la. A sen
b'a la ka tine mamamanako la. An
be yoro min i ko bi, Kaja ye Y.C.
wele kiiritigeso la. Kiiri ka kan ka
tige setanburukalo tile 26. Nka
yanni o ce, Y.C. be k'a fo fan bee ko
kiiri be diya ale la bawo a ka fo la,
awoka minnu b'ale kokoro, n'olu ye
Yatasayi ni Faginba Keyita ye, jore
kun t'ale la.

**An ye nin kunnafoni bo
"L'Observateur" kono,
a boko 652 nan na.
Bayelemabaga : Idirisa S. Sako**

Ka se CMDT Ciklaw ma

Koɔribɔjoona

Danni ni ladonni bolen ko yen (kɔɔsenni, nɔgɔdon ani furakeli), koɔri baara nekunba dɔ ye koɔribɔ ye. Sanni an k'an da don o kuma na, an k'a mafile, soro min kera koɔri la 2000/2001 baarasan na.

Katimu fɔlo : 2000/2001 baarasan koɔrikɔ lahalaw :

CMDT maraw	kene senenen hake (tari)	koɔri hake sannifeerelen (toni)
Fana	10 922	9 642
Buguni	18 553	19 186
Sikaso	23 243	29 652
Kucala	100 153	108 675
San	34 395	40 059
Kita	24 458	22 427
Mumɛ	211 724	229 641

Nin soro kelen baarasan temen na, o nɔgɔn fila bɛna ke ninan baarasan na, i n'a fo jatemine fɔlo b'o jira cogo min na, min kera san 2001 zuluyekalo la.

Katimu filanan : koɔri soro bisigilen 2001/2002 baarasan na.

CMDT maraw	kene se enen hake (tari)	koɔri hake san nifeerelen (toni)
Fana	98 668	105 901
Buguni	87 237	100 409
Sikaso	88 211	101 869
Kucala	127 376	138 626
San	45 000	49 485
Kita	34 105	35 411
Mumɛ	480 597	531 731

An b'a ye ko nin sɔɔbisigisen fɔlo in b'a jira ko koɔri soro bɛna sankorota kosebe CMDT maraw bɛe kono baarasan nata. O de kanma, koɔrisenena kelen-kelen bɛe ka kan ka koɔribɔ damine joona.

Koɔribɔjoona nafaw ka ca :

- koɔri bolen kalite ka ni. Koɔri bɔwaati o b'a soro furabulujalan man ca, min bɛ kari koɔrimugu la k'a kalitelagosi.
- Koɔri wurusi iziniw ka baara mana damine ɔkutɔburukalo la, o b'a to koɔri bɛe bɛ wurusi waati bɛrebennen kono.

Nka koɔribɔjoona n'a wajibiyasiraw don :

- An kana koɔri bɔ manabɔrew kono (PP), koɔri ka bɔ ka lasagon "PVC" bɔrew ni finimugubɔrew kono. O b'a ne bali tijeni ma. Manabɔrew bɛ koɔri ne tijen. O b'a to koɔrisannaw bɛ ban koɔri la.
- Koɔri bɔwaati, maa kelen-kelen bɛe ka kan ka na ni bɔre fila ye : koɔri kalite numan ta, ani koɔri kali-

te tijenen ta. O b'a jira ko koori juman n'a juguman be bo noggon na ka bi a bowaati.

- Koori sebali kana bo
- basi ka sorc, koori bolen be fenseñ min kan tile koro. Koori bolen kana lasagon jiri koro, barisa o b'a to furabulujalanw be k'a la.
- koori lajalen konuman in be sorc ka lasagon bon do kono, min labennen don.. A kafisa a ka ke basi kan yen. An kana koori sumalen ke bon kono, o b'a toli.
- Koori bolen be lasagon suguya-suguya. A bee n'a keyoro.
- Ni nin ladilikanw bor'u sira fe, koori tijeta hake be lagosi haali. An b'a nini koori-danbaga-joona tigilamogow bee fe, u ka kooribajoona ke. O baara o be koori taabolo bee nata, o min ye Mali bee kunnawolofen ye.

Sannifeere labenw

Koori hakeba sorota de bena ke ninan (toni 530 000 ni ko). O hake sorota ka kan ka bee timinandiya sannifeere nata baaraw labenw la :

- koorisugu kuraw joli, "av" kuraw ni kooribaara jekulu kuraw fe "APC".

Koorisugu ka kan ka yoro-janya adamaden-sigidaw la, walasa ka kisi tasumako ma.

Koorisugu dugukolo be benben kosebe, ani k'a kogo mun konuman. Wele ka bila CMDT maa faamuyalenw ma, walasa ka sugu kono hake don, ka ben koori sorolen hake ma (AV ta).

Sugukorow labenni y'u dugukolo benbenni ye, ani a kogo munni. Kogo binnenw ka kan ka lawuli. A man kan u ka nonabila ni karaata walima jirabolow ye.

- Siraw labenni ye dingew



Kooribaara taabolo ye Mali jamana ni cikelaw bee sinsinkoloba ye bogogola siratige la.

gerenni ye, ani jiriw tigeli minnu be degunni ke kamionow temeto. Dugumogow ka kan k'u yerelaben walasa ka baara in



Usmani N Taravele

damine joona-joona. CMDT ka deme o siratige la, o te se ka dugu bee lasorco noggone.

- "Av" bee, walima "APC" bee, ka kan ka koori segesegesekesan, walasa ka koori segesegeli nogguya dugu kono.

Dugu ka koorisegesegejekulu mogow ka kan ka ye CMDT

jekuluw ka baara-kalanw kene kan. An b'a nini koorisennaw fe u ka son ani ka dje n'o jekulu o ka segesegeli jaabiw ye.

Koeritonw be da suguya ni suguya.

- "Av" walima APC kelen-kelen bee ka kan k'u ka basikiliw laben CMDT ka cidenw fe ka kon sannifeere don ne. Walasa o baara ka nesoro, basikiliw bee be lase sekiterikungi ka yoro sugandilen na.

- Filiw be sorc ka caya "AV" ka koori hake peselen na, minnu ka basikili ma segeseges, ka kon sannifeere ne.

"Av" ni "APC" bee ka dugu koorisannaw ka kan ka kunna-fonikalansenw sorc CMDT baa-rakelaw yoro. O waati ni waati kalansenw b'a to fili caman be bali.

Kolosili: Aw ye koorihake minnu kalan koori sorota bolodanlen katimu kono, o be CMDT doren de kunkan. OHVN (otuwale) ta t'o la.

Usmani N. Trawele
CMDT cikeferew bolofara
kalanfa

Politikiko taabolo

Jamanako

Lagine fôlijekulu dô ka dônkili don, "maa o maa sara fasoko la, i ma jufa". O ye tine ye, bëe ka kan ka min faamu ani ka baara k'o siratige la. Nka, n'a fôra ko fasoko, a ka kan fôl an k'a dôn o bëe min fô. Sanko, an bëe waati min na i ko bi, yéremahoronyaw talen kôfè san 41. Fôl, politiki taabolo hakilinan de tun bëe fasoden numanya kofô. Bëe tun ko ko jama ka hëre ka sankorota yérekun kelenpe ka hëre sanfe. O tun bëe kolo kan o waati la, ka masorô bëe n'i yérekun tun te se cogoya si la ka yéremahoronya kuraw garanti. Nka bi, waatiw yélemana. An donna bolo caman dafé, ka mara suguya caman sidon : forobasorô - politiki ; jama-ka-sorô-politiki ; bëe n'i yérekun-politiki. Nka, nin bëe ka ke ka sorô dankari ma ke jamana yérekun na, sanko a ka horonya lahala. O kanma, n'an ko bi ko fasodenya, o bëe kuma maa de kan min b'a dôn k'ale ka sekow dögoya n'a ta o ta, k'a fana ka birikiden dabaliw wo bëe ye fasoko la. Ni jamana kônden bëe y'u ka bulonda furan a nema sogomada kelen, cogo di jamana mume te je ? Ka je i ko kooriden dayelen konuman dëre !

Ni maa kelen si te se ka faso jo, an k'a dôn ko faso te se ka jo fana a den kelen si kô. Senekela ka wôssi foro kônc, ka sorô forobabaarakela bëe a ka baara kecogo numan bolo kan ; numuw k'u ka fanw n'u ka dagalbenyôrêw labaara a nema, ka sorô dögötôrô bëe feerjenini na adamadenw ka banaw baasicô-

go lakika la ; moniterew ka izinuw, ni forokonçaw ani jifoolonw k'u sennow ye, ka sorô pankurunbolilaw ni terenbolilaw, fo ka se mobilibabolilaw ni wotorobolilaw... ma, olu b'u ka jamanoniw la, an'u ka minendoniw, ka bëe lase secogo numan na i seyoro la. Faso file i kôrô dëre. Dôw k'a ke ; dôw k'a ye k'a ke, dôw k'a ye k'a seben. Dôw yére k'a ye k'a lakali fasodenw ye.

Hali kalafili min be sensenna ka na ke. O bëe kekonuman te fasoko ye wa ? E mögo minnumana i ban, k'a y'u kene kan, fôl, i yére b'i ka fasodenya don siga la ; filanan, i bëe taabolo kun, kalafililaw ka wulikajo mana min sugandi. O la, a kera jën de la e kô !

Tumani Yalam Sidibe

Ladonniyal taabolo

An bëe jekabaara kalanbaaw n'a kanubaaw ladonniya ko Yusufu jalo, min tun ye sebennekulu kuntigi ye, k'o senbora jekabaara sebenbagaya ni Jamana baa-rada maaya la. O koson maa si man kan k'a bisimila jekabaara togola belen.

U ko

ce te se ka ke fosi ye a ba kô. Barika musolankolon te !

Hamidu Jara

arajo "kledu" Bamako

Ni dakonofen taara n'onwo fe, a taara a taasira fe. Nk'o n'a ta bëe, dunan min ko : nana bo i ye, o faana man go.

Abudulayi Arazaki Menta
arajo Bamakan Bamako

Ni bëe tun ker'i fa ye, diné tun te gelya tan. Bëe ma k'i fa ye de, o de ye bëe ke kamanaganbagatô ye tan.

Usumani jibala Keyita
Dönnikela. Bamako

Dô bëe nama dôn, o t'a lakiri dôn. Do bëe nama dôn fana, o t'a fura dôn.

Batoma sangô
donsongonifola nanan
(Segu)

I mana dunu tu k'i baden koreke kan ka di, n'o y'i ban dônkilida ma, i n'a dulon yen.

Yusuf Fane (Bamako)

Maa ta bëe se ka ke jën ye, nk'a da la kilisi t'i ta ye. Nk'o n'a ta bëe, an k'a dôn ko dege funteni bë bë karato da.

Daba Tunkara
arajo jekafô Bamako

Sida n'a nofekasaaraw


Sida ye fən ye min kofokun te maa ye diŋe in kōn tugun. O hukumu kōn, an sera an balimake n'an ka maa faamuyalenba dō ma, min ye dōgōtōrō umaru tarawele ye. Ale ka baara nesinnen be bana in kēleli ma. O temenēn kō, a be maaw bilasira, k'u laadi u ka dinenatige ko gelenw latemēni na. O siratige la, an wulila ka se a ma, walasa ka kunnafoni jōnjōn sōro bana jugu in kan; An ye kunnafoni minnu sōro olu file :

Jekabaara : Dōgōtōrō Umaru Tarawale, e ye kēnya tigilamaa ye. O temenēn kō, i ka baara nesinnen be Sida kēleli ma, yala Sida yēre ye mun ye ?

Dōgōtōrō Umaru Tarawale : Sidako ye dabalibanko ye kosebe. Ka d'a kan, maa dōw b'a fo ko Sida te bana ye. N'i y'a jate minē, bana don, fo bana juguba. Ka d'a kan ni bana tōw y'i minē, ni fura ma k'o la o b'i faga cogo min, Sida fana be ten. O la, maa be se k'a fo ko bana don ka masōrō fura ma sōro a la folo.

Nka maa minnu fana ko bana te, maa t'olu jalaki. kērenkērennenya la, an balima togodalamaaw. Maaw be olu minnu jate kunfin ye, kunfinw te. Bēe n'i ka faamu cogoya don. O hukumu kōn, sidako in ye fən ye maa caman ma min faamuya, ka d'a kan, bōfan kelen ma dōn a la. O dun te Sida kelen ye. Fən o fən ni bofan kelen ma dōn a la, maaw te da o la abada, u b'a fo ko nin te foyi ye. O hukumu kōn, u jo don ; sabu kuntilemma jōnjōn foyi ma dōn Sida la. Ka d'a kan bana de caman b'a kōn. O bana caman de talen be k'o kē ale taamasiyen ye.

Bana bēe n'a taamasiyen don, nka Sida ma taamasiyen foyi sōro ka k'a yēre la, fo bana tōw. Sabu n'ale b'i la, i be sōgōsōgo, i fari be kalaya, i kōn be boli, i kunkolo b'i dimi, i k'o b'i dimi, i ne b'i dimi,



Dogtoro Umaru Tarawale

nkōrsiyen b'i minē, i be fasa i sen-kun na fo ka taa se i ka saya ma.

Ayiwa, bana min be na ni ninnu bēe lajelen ye, a faamu man di maaw fe. N'an balima togodala-maaw kōnōnafila nin yōrō ninnu na, u jo don. Sabu bana kelen te se ka bana suguya bēe lajelen taamasiyen ta.

Nka n be min f'u ye, u k'a dōn ko Sida banakisē ye fən ye, n'a be hadamaden farikolo la, a be farikolo sokonona lakanafenw kēle folo.

O hukumu kōn, an k'a to an hakili la, ko fēnēnāma suguya fila de be hadamaden farikolo sokonona na, kelen be joli lakan, kelen be farikolo yēre mume lakan walasa k'a kisi bana wērew ma. O min fil'o ye, Sida banakisē de be folo olu la, k'u bēe ta tīne, walima k'u barika dōgōya kōsēbe. N'o dun kera, o ye hadamaden farikolo dayēlennēn ye ka bila bana suguya dō bēe lajelen ne, u ka don cogoya min ka di u ye. Misali la : N'i ye jamana lakanabagaw bēe faga, i n'a fo : sōrōdasiw ni zandaramaw, ani polosiw, o ye jamana labilalen ye cogo min, sidako fana be ten. Sabu n'a donna i farikolo la, a be farikolo lakanafenw bēe faga k'u ban pewu.

N'o kera, bana suguya bēe be don i farikolo la k'u sako kē. Ka d'a kan, foyi te yen tugun min b'u bali ka don.

Hali minnu b'a fo ko sayije don, u ma nkalontigē. Nka u k'a to u hakili la, ko Sida, n'o ce ka jan i n'a fo fən wēre. O tuma, an be min fo maaw ye, o ye jantonyerela ye, sabu o kōrcogo ka ni.

Jekabaara : Tarawale, aw ka baara nesinnen be Sida kēleli ma, yala i be se ka kunnafoni jōnjōn f'an ye Sida yēre bōyōrō kan wa ?

Dōgōtōrō Umaru Tarawale : Jujuycō kelen foyi ma dōn Sida la k'a fo k'a bōra nin jamana in kan, walima nin siya in na, o ma dōn abada. N be se ka min fo, a bana-bagatō folo yera ameriken jamana duguba dō la, ko Niyoiki. Nka n m'a fo k'a bora yen dē. A banabagatō folo de yera yen. Sabu yen dōgōtōrōba dō de y'a jatemine k'a ye ko banabagatō dōw b'u ka dōgōtōrōso la, u be fura k'olu la ka dēse foyi te bō olu ka bana na, f'u laban be sa k'a sōrō a m'u sakun dōn. A tora ten sa, fo a ye segesegeliw kē, ka sugunew-ni joli lajē. Joliyanfan fe, a y'a kōlōsi ko bana o bana mana kē nin ye, a banakisē be joli la. O kēlen, nininiw sōrōla ka damine o de la. Tīne don Amerikenw ye bana in kibaruya fo, nka minnu ye ninini kē fo ka taa u bolo da a banako in kisē kan, o kera tubabuw ye. Sabu olu y'a sementiya ko bana in kisē be hadamaden joli de la, wa u y'a ninini fo k'a nēsōrō, ka sōrō ka tōgō d'a la ko Sida. Ka d'a kan fən o fən ni tōgō t'a la, o fən te sidōn maaw fe cogoya si la. O hukumu kōn, dōgōtōrōba Mōntne de folo y'a sidōn, k'a fo ko nin bana in tōgō ye nin ye. O kōfe, u sōrōla ka lajeba kē k'u sigi k'u hakili jagabo walasa ka tōgō nin bana in na. Sabu a donna k'a fo ko bana in ju be nin banakisē in de la. O tuma, an ka tōgō nin a la. U sigilen o kēne kan, u nan'a kōlōsi k'a fo

ko bana suguya dō bēe b'a fē. U y'a togo da ko Sida. O ye a togo ye nansarakan na. Nka n'an b'a fē maaw ka kunnafoni a la a nēma, a togo ye bamanankan na ko bana min bē maa farikolo lakananifénw tīnē. Misali : ni juguw b'a fē ka don jamana kōnō, u bē lakanabagaw kēlē k'olu faga fōlo, ka sōrō ka don jamana kōnō. O bē cogo o cogo, sidabana fana bē ten. Ka d'a kan, ale bē farikolo lakanafénw bē tīnē. O temenēn kō, togo in dalen kō a la, u y'u ni da a boyorō nini kan, u wulila ka fan bēe ke senno ye wala-sa ka sidabana in boyorō nini kā dōn. O siratige la, dijē kēleba fēn o fēn kēra, k'a ta olu la fo kana bila san 1939 dijēkēleba filanan na, maa minnu faatura o kēlew senfē, ani kasoladenw, u tun ye o maa dōw joli ta k'u mara u ka jolim-rayorō la, u y'olu dōw ta k'olu yee-lēn k'u lajē n'a y'a sōrō a banakise in tē olu la. O sēgesēgeliw senfē, a yera ko Sida banakise bē o joli dōw la. Kabini o kēra, a kunnafoni jēsennna dijē fan tan ni naani bēe la, ko boyorō ma dōn Sida la. Nka min kōni jēlen don, o ye ko sidab-nabagato fōlōw kōni yera Ameriken jamana duguba dō la, n'o ye Niyōriki ye. Nka o kōrō te ko a banakise yera yen dē. An bē don min na i n'a fō bi, yefan kelen foyi ma don Sida banakise la.

Nka jamana wērew la, i n'a fo kēlebaw kēra yorō minnu na, u ye joli minnu lajē, a banakisē yera olu fana na. N'a bōr'olu la, a boyorō ma dōn hali bi.

Jekabaara : Umaru Tarawale, laadilikan jumēn b'i bolo ka lase maaw ma. Kērenkērennenya la, an baima togodalamamaaw ?

Dogotorō Umaru Tarawale : Laadilikan min bē n bolo ka lase maaw ma, o ye u k'a dōn ko sidako ye tīnē yērē-yērē ye, w'a bē yen a mēenna. Nka mun nana a jēsenn ? Dijē dayelennen bē ka bila nōgōn na.

Maaw bē donkabo la fan bēe fē nōgōya la, o de nana n'a jēsenni ye fan bēe fē. Nōntē, folo-fōlo, ka sōrō dijē ma dayelen ka bila



Sidako in ! Aa, jama kōnōnafilibana dēre !

nōgōn na, o y'a sōrō bana in bē yen, nk'a tun ma jēsenn nin cogoya la. O hukumu kōnō, dijē jamana si tē yen ni bana in tē min kōnō. O sabu-bu fana bē taamaba de la.

O hukumu kōnō, n bē min fō an balimaw ye, o ye u k'a dōn ko laka-na min tun bē dijē kōnō fōlo, sisān o tē yen tugun. O la, f'an k'a dōn ko lakanabaliya fana nōba bē bana in jēsenni na. Sabu n'i ya lajē dēminseñnikunda, cēnimusoya tun bē cogo min na fōlo, a n'o ka jan bi, i n'a fo jēgejalan ni bajī cē. Sabu laadili tun bē yen fōlo. Faw tun bē denw laadi k'u bilasira numan kan. Nka bi, o t'a la. Bēe n'i kuntilenna. O dun ye fēn ye min ma ni an yērew ma sidakotile in na. O tuma o numan ye min ye, an k'an hakili to an yērē la nōntē a ma ne dē !

Jekabaara : Umaru Tarawale, Sidato n'a banakisētō joli bē an ka jamana kōnō yan bi ?

Dogotorō Umaru Tarawale : An bē don min na i n'a fō bi, Sida banakisētō min bē an bara yan, o ye maa 132 000 ye. A banabagato ye maa 12 000 ye. Nin ye jateminē ye an ye min ke pōnze dogotorōso ni Gabiriyeli Ture dogotorōso dama de la, an ma se Mali marayorō tōw la, kuma tē Kati dogotorōso ni

dogotorōso tōw ma. Nka o maaw la, caman faatura. O temenēn kō, an ye jateminē do ke, an fē Mali kōnō yan, n'i ye maaw kēmē-kēmē sara-da, i b'a sōrō sidato tē temē maa 3 walima maa 4 kan. N'i dun ye fara-fin jamana dōw ta, i n'a fo Afiriki di sidi jamana, n'i y'o jamanadenw kēmē-kēmē sarada, i b'a sōrō Sida be maa 34 na kēmesaara kelen na. O tuma, anw ka kan k'an hakili to an yērē la kōsēbē, an ka kan ka Ala tanu kōsēbē, a ka limaniya ni sabali d'an ma.

Jekabaara : Umaru Tarawale, kunnafoniikunce la, welekan b'i bolo ka lase an balima sidatōw n'a banakisētōw ma wa ?

Dogotorō Umaru Tarawale : Welekan min bē n bolo, o ye an k'a dōn ko banabagato ninnu y'an do de ye. O tuma, an kana u k'an bolokofēfēn ye. Ka d'a kan, dijē bēe lajelen kumana kanuya de kan. O hukumu kōnō, kēnya fara bana kan, an kana nōgōn fili cogoya si la, k'a sababu ke bana jugu ye. Sabu Ala yērē m'o fō. O hukumu kōnō, bana mana i balima sōrō sira o sira fē, i kan'a fili i bolo kōfē abada. Ka masoro Ala tē sinji-fara fē.

Kōrōfō tabaga n'a sebenbaga Yusufu Fane

Segu malosenebaarada (Ofisi-iri) kibaruya

Samiñe taabolo ka ni Segu malosenebaarada (Ofisi-iri) ka baarabolo maraw kono. Ofisi-iri ye goferenama ka cakeda ye min ka baara nesinnen be senekelaw demeni n'u bilasirali ma u ka yiriwali siraw bee kan. O hukumu kono, Jekabaara sebennikela do ye taama ke Ofisi-iri nemaayaso n'a ka baarabolo dugu dow la walasa ka kunnafo ni jorjor soro u ka san 2001 ni 2002 nan baaran samiñe taabolo kan. O siratige la, an ye nininkali ke ka nesin Ofisi-iri nemaaba Kasumu Denon ma, kunnafo minnu sorola, olu file.

Jekabaara : Kasumu Denon, e ye Segu malosenebaarada (Ofisi-iri) nemaaba ye, yala i be se ka do fan ye i ka cakeda ni ninan san samiñe taabolo kan wa ?

Kasumu Denon : Ofisi-iri ye goferenama ka cakeda ye min ka baara nesinnen be senekelaw demeni n'u bilasirali ma malo ni senefen werew seneni kadara kono, i n'a fo : Sano, keninke, kaba, tiga n'a jogonnaw. N ka an be don min na i n'a fo bi, Ofisi-iri ka baara nesinnen te nin senefen kofolen ninnu senefagaw doren demeni ma. A be deme ke sira werew fe i n'a fo : jnudua, nakosene, jirituru, monni, sigida n'a lamini lakanani, semara ani banankusene ; ka fara baganma-ra kan. Nin fen kofolenw seneni bolen ko a la, an be dow bayelema k'u ke fen werew ye minnu b'u nafa caya. O fen dow ye : dabilennin ni bananku ye. O siratige la, nin senefen kofolen ninnu seneni be ke sababu ye ka do fara Ofisi-iri senekelaw ka soro yiri-wali kan.

Jekabaara : Malosene te ne timi-nandiya ko. San dow la an b'a men ko malobana be yen, walima ko feneñamaw ye malo tine yoro dow la, aw fe Ofisi-iri la yan, anw somina o dow la wa ?

Denon : An be don min na i n'a fo bi, bana foyi te anw ka maloforow



Ofisi-iri nemaaba Kasumu Denon

kono sanko feneñamako. Geleya min be anw kan an ka maloforow kono bi-bi in na, o ye binjuguko ye. Ka d'a kan, anw ka malosene taalan de y'o ye. O hukumu kono, ninan an ye binjugu damadow ye minnu be wele ko dika ; baganin ani selenge baganin, minnu be ye jibolisiraw kono. O koson, n ka taama senfe ninan, an y'a kolosi ko n'an ma wuli ka binjugu ninnu kelle, u be ke sababu ye k'an ka maloforow tine. O siratige la, an wulila ka ninjiw ke walasa ka fura soro k'u kelle. Ala barika la, an ye furajiw ni ponpew soro, an nana senekelaw dege o baaraw kecogo la. An be don min na i n'a fo bi, o furaji kera yoro o yoro la an ka maloforow kono, a kera sababu ye k'o yoro dikaw n'u baganinw bee lajelen faga k'u ban pewu. Min ye Selenge baganin ta ye, an ni senekelaw ye sigikafé ke o baara kecogo kan, an y'o baara lateme u yereuw ma ni k'u sara. O hukumu kono, an be don min na i n'a fo bi, senekelaw y'u seko ke o baara la. Hali kosa-in na, n bora ka setawari doren miliyon kelen (d. 1 000 000) sara o baara kunkoro. Geleya minnu tun be an kan o tun ye ninnu ye. Nka an be don min na i n'a fo bi, an ye fura soro u bee la.

Jekabaara : Denon, i y'a jira i ka kuma na ko Ofisi-iri ka baara nesin-

nen te malosene dama ma, i da sera banankuko ma, i be se ka do fan ye o kan wa ?

Kasumu Denon : Min ye banankusene ye, o ye fen ye min kelen be k'an nisondiya kosebe. Ka d'a kan, an y'a damine ni naniya min ye o fara. Ninan ye an san duuru ye Segu yan, an y'a kolosi ko senekelaw b'a senfe ka na n'a ye Segu nteneñ na, (sugu) a te san ka ban.. U be segin n'a to ye u ka so. O bee-be tine. O siratige la, Mali jamana ni lamereken jamana ka jogondeme kono na, olu ye deme min don Mali la, Ofisi-iri ye do soro o la. O kelen, an ye senekelaw wele k'u nininka u ka geleyaw la. O nininkali senfe, u da sera geleya caman ma. N ka o geleyaw la u y'u sinsin banankusene dontalali kan kosebe. O hukumu kono, an ye poroze nesin banankuseñaw ma. Poroze in nesinna um cogo di ? Kabini lawale la bananku be senfe Segu n'a lamini duguw la. O tuma fen don, n'a yiriwara, o be ke sababu ye ka do fara u ka soro kan. O siratige la, an ye yoro damadow sugandi ka baara in sifile o la, i n'a fo Dugukunna, Banankorénnin, Sibila, Furukunin ani Tamani. Ala barika la, a sabatira an bolo kosebe, ka d'a kan maa o maa b'a la, olu bee y'u togo di, an ye nogo ni wotoro d'u ma ka fara banankusi numan kan min be wele ko Fanaka. O hukumu kono, an

ye musow ke kulu ye walasa u be se ka bananku bayelema k'a ke fen were ye min n'a kenepimi te kelen ye, i n'a fo ceké ni gomi n'a nogonnaw. Ala y'olu bee nogoya an ma. An be don min na i n'a fo bi, Sikaso musow bora yan, k'u y'a ye telewison na, k'a men arajow la, k'u be na dönniya jini an fe. O siratige la, anw be min jini, o ye ka dönni jiidi jamana fan bee fe. N'o kera, duguw be yen minnu te baara were ke banankusene ko, a na ke olu ma sababu juman ye, k'u ka soro yiriwa. O temenen ko, kunnafoni jenseenna caman sera an ma yan, a sebennikela fara kumakela kan. O hukumu kono, an b'a jini Ala fe a ka sijan ni keneya jiidi Ofisi-iri baarakela ce n'a muso bee wolo la, ka fara a ka senekelaw kan, walasa an be se ka banankusene yiriwa an ka jamana fan tan ni naani bee lajelen kono. Sabu a be ne fen bee fe ani yoro bee la. W'a nogoko man bon ka s'o bee ma. O hukumu kono, n be se k'a fo ko banankusene ye fanga soro Ofisi-iri ka baarabolo duguw kono bi. Sabu maa minnu tun be toni 6 soro taari la, o döw be toni 12 soro, döw yere be toni 20 soro. Ka masoro u y'a senecogo nedon kosebe, w'a keminen b'u bolo fana. N ka jate la, do kera. N ka kebali ka ca. Minnu ma ke an ben'an kogo da olu la ni Ala sonna ma.

Jekabaara : Denon, banankusene damineni be san joli bo Ofisi-iri kono ?

Kasumu Denon : Banankusene damineni anw fe Ofisi-iri ka baarabolo duguw kono san 1999 waatiw kono. O ni jinan ce ye san saba ye. O siratige la, san saba in kono, banankuforo taari 100 ni murumuru nogonna be Ofisi-iri ka mara kono. Segu serikili ni Baraweli serikili kono.

Jekabaara : Denon, Ofisi-iri ni Jekabaara kunnafonisaben bolo be nogon bolo a be san 2 hake bo, yala e ka kolsili la, a y'a kun bo wa ?

Kasumu Denon : Anw ni Jekabaara kunnafonisaben ka baaranogonya, a y'a kun bo, w'a kera nisondiyako y'an bolo. Sabu Jekabaara boko o boko, anw ka senekelaw b'a soro a

tuma na. O temenen ko, an ni Jamana baarada jagoko bolofara nemaaba jera k'an bolonc bila benkansaben na baaranogonya hukumu kono, fan fila bee lajelen ka kan k'i joyoro fa min kono labatoli la. O siratige la, ni Jekabaara sera anw fe yan, an b'u bila ka taa di an ka senelaw ma u sigyoro la, u k'a kalan walasa u be se ka kunnafoni ka ne an ka baaraw taabolo kan, ka nafa soro u la k'u yere ne, ka maa werew laje u fe. O temenen ko, an ka senekelaw be se k'u ka kunnafoni do ke seben ye k'a ci Jekabaara nemaayaso la, walasa k'olu jensen dije fan tan ni naani bee lajelen kono. O tuma, n b'a jini jamana baarada fe hali bi, an k'an bolo di nogon ma. Sabu aw ni anw ye nogon faale ni nogon geese de ye, an ka here be nogon bolo.

Jekabaara : Denon i ka kuma laban ye jumen ye ?

Kasumu Denon : Kuma laban min be n fe, o ye ka foli ke ka nesin aw kunnafoni jinaw ma folo. Sabu aw de be anw ka baara neli n'a nebaliya dö, wa aw de b'a kibaruya lase yoro caman fana. O tuma foli be di aw ma folo, ka d'a kan, anw mana baara ke cogo o cogo, maa te se k'i yere fo. Aw de be ke sababu ye ka anw ka baaraw da kene kan, k'a lase fasoden tow ma. Sabu dije yere ye kunnafoni ye. O temenen ko, n be laadilikan lase an balima senekelaw ma, u k'a don k'a fo ko olu wo, anw wo, k'an taalan ye nogon ye. Sabu an bee lajelen ka jinifén ye kelen ye, n'o te döwre ye soro ni dunkafa, ani jamana ka netaa ko. Okoson, n b'a fo n ka kumaw senfe tuma bee, ko ni senekela te yen, ko lasigiden fana te yen, ka d'a kan, anw nakun ye ka senekelaw deme ani k'u bilasira. O hukumu kono, i ni maa o maa ka soro be nogon bolo, aw ka kan ka diya nogon ye kosebe. O tuma n be wele min lase u ma, jinan samine daminecogo ka ni. Hali bi minnu ma se k'u ka maloforo sene ka ban, u ka wuli k'a to sene joona. Nonte utukalo tile 25, an be ji donni damine malofo-

row koro, minnu ye malomisenin ye. Nonte, maloba bee dara ka ban. Min fana ye noforotigw ye, olu be se k'u ka now kordon sisani. Sabu ni no janyana ka se hake do ma, n'i k'i b'a kordon, a be karikari. Sabu o b'a soro a ye kuru sigi. Nin laadilikan de tun be n bolo ka lase u ma. O tuma, Ala ka samine labancogo ne.

Yusufu Fane

Nafa were be bananku la min t'a kené ninimini ye

Nin ye Segu malosenebaarda (Ofisi-iri) ka feere kura ye min be tali ke bananku bayelmacogo kan ka ke ceké ye

Nebila

Bayelmalu ye ka fen do bo a cogoya koro la ka ke an diyanefen were ye. Fen min ye bananku ta ye, o ye k'a bayelema k'a ke ceké ye, walima k'a ke gomi ye.

Ceké dilancogo

Walasa ka bananku bayelema k'a ke ceké ye walima gomi, o be teme sira damadow fe, minnu file :

Minenw jinini

O be tali ke minenw bee farali la nogon kan baara keyoro la. Kerenkerennenya la :

- banankukene
- manabore 5
- gakulu jana 1
- minen negema
- teme mankan 2
- lefew
- manapalan 2
- barama 1
- bejuwari manama 3
- nankinefini metere 6
- muru 5
- mana finman metere 6

A dilanni

Mana donni kumu na. O be ke cogoya fila la.

a) Bananku balabali sanga 10, ka se sanga 20 hake la.

b) Bananku jenini takami na.

Bananku labennen nin cogo la a fara be bo a la k'a saniya, o la a be

meleke mana kono walasa ka funteni to a la ani k'a kumu. N'a y'i diya i b'a ke daga walima palan kono, walasa k'a funteni min. Tile 3 ka se tile 4 ma, o y'a labennen ye.

Bananku saniyali, a fara boli n'a tigeltigeli

A man kan cogo si la ka bananku fara bo a la a bodon. A numan ye a ka su kelen ke.

Baronni

O be se ka ke tege la walima masin na, a baronnen ko, a be bila manaborew kono ka soro k'u bila seegiw kono walasa ji ka bo a koro (jikunfolo boli).

O ji in sensennen ko, gomi be soro ka bo o la.

Ntentulu walima tigatulu dilanni

Tulu ka kan ka saniya. Min ka ni

kosebe o ye ntentulu ye. Ni ntentulu in mona barama kono, a ne be tijie. O waati i b'a bila fo a ka suma.

Tulu be soro ka yelema mana kan. O la, i be soro k'u nagami kosebe fi ka taa doro soro fu te min na, ji fitiin be fara mana kan, k'o fara doro in kan, gomi boilen ko o la. A be to minen kono sanga 30 fo sanga 40 hake.

Ji samanenko ka bo a la

A be soro ka bila manaborew kono, ka soro k'u digi walasa k'u ji to bee sama ka b'u la (ji kunfilanan boli). O baara be ke ni hakilisigi ye walasa borew kana peren ani ji caman be se ka bo cogo min.

O duguje, baara tow be ke. O la a be ke i n'a fo nomugu. I be soro k'a tenten, ani k'a nagami, ka soro k'a

fensen fini saniyalen kan yoro saniyalen na, tile koro sanga 30 fo sanga 40 hake.

A donni jintin kono k'a sigi daga da la, ji be min kono

Baara be i n'a fo basi be yelen cogo min, nka ale ta be ke sije kelen. N'a kera ten, o y'a kelen ye ceke ye. A be se ka ja walima k'a bila "firizideri" kono. N'a y'a soro "firizideri ta don, o be tobi sije kelen.

Aw ni gaduman !

"ORS" ka Dugukunna baarakalan-sen k'a ta setanburukalo tile 26 ka s'a tile 28 ma, san 2000 nan.

Bayelemabagaw :
Idirisa Setigi Sakho
ni Yusufu Fane

Bla dogotoroba, Alasani Diko, ka hakilinanw ka jesin World wision ma

Jekabaara ka san 2001 utikalo boko kono, aw ye Bla meriba ka hakilinanw kalan. Nin yoro in na, aw bema Bla dogotoroba Alasani Diko ka hakilinanw fana de kalan World Vision jocro kan keneya siratige la Bla mara la.

World wision ye anw baa-rakejogonba ye, min ka deme be se keneya sabatili nasira bee ma Bla. Aw m'a ye, a ye dogotorosow jo fan bee ani k'u labaaraminenw k'u kono. Fen min ye musolajiginsow ye, olu fana soro fan bee. World wision ye dogotorosow jo, u n'u furafeereyoro, ka hali fura folow yere bila u ka bolo kan.

World Wision ka deme be se an ma hali keneya matarafasiraw topotoli walew la. negenw senna dogotorosow la ani ka keneya - kolosi - jekuluw sigi sen kan.

- Samabogo dogotoroso maaw ye kalansen soro dogotoroso musakaw ladonni siratige la.

- World Wision ye furaw ni moto yamahaw, ani firigow di dogotorosow ma.

- World Wision ye tilejaminefen

(bilaki soleri) sigi an ka musolajiginso la.

- Fen min ye ji senumako ye, world wision y'o sabatiwalew sigi sen kan a nema fan bee fe.

An ka laniniw

- Jelogonya ka sabati ka ta fe an ni world wision ce.

- World wision ka nafolo bila an ka bolo kan min b'a to an be an ka baara ke a nema.

- World wision ka deme don dogotorosow ma, minnu be geleya kono.

- World wision ka dogotorosow deme ni furaw bilali y'u ka bolo kan (Sanbala ; bogonin ; Fani ani duguwolo)

- World Wision ka musojigin-sow jo dogotorosow la, a ni ka minenw d'u ma min b'a to u be



Alasani Diko, Bla dogotoroba

baara damine.

- Ka Bla dogotorosoba deme a ka banabaato doni mobili ladonni na, ka masoro baara si te taa a ko.

Kunnafo lasebaga : Tumani Yalam Sidibe

Yiriwali te taa kalan ko

Bonya man geleñ fo tonkono

Karidon, awirilikalo tile folo, o tun ye Sidokaw ka lakoliso kura kurunbokarili ye. Lakoliso min ye dugumakalan kun filanan keyoro ye, Bisi Tarawele kelen de y'a jo.

Sido file nin ye Bamako ni koron ce, kilometere 130 hake, Sikaso sira kan. Sido ni Buguni ce ye kilometere 28 ye, komini ye dugu 26 ye. Sido tigiy ye Dumuyaw ye.

Sibije Dumuya, Sido dugutigi don, a si be taa san 80 hake la. A y'a hakilinan d'an ma lakolisoko in kan.

S.D. Lakoliso dayelen in, feti mana k'a ye, ne ka feti don, sabu ne kumakan don. Nka koro be ko bce la : bari denw be wolo ninan, olu b'a fo ko ne wolola lakoliso dayelen san. Muso minnu mana furu ninan, olu fana b'o kelen fo. Denw be boloko ninan, olu b'a fo k'anw ye kulusi ta lakoliso dayelen san. O de ye farafina karadante ye. Ne y'a ke jama ye k'a da nin koro kan. Ne ye dijne fan bce yaala. Bisi ye baara min ke nin ye, ne m'a nogn ye, ne m'a men fan si. Mogo kelenpe ka lakoliso jo, k'a ban pewu, a kelen kunwari la. Wa hali nin kolonaji, Bisi y'o san. Sabu a tun be jitalaw sara. A bannen, Bisi nana a konege da ne tegé don min, ne kunmasi cera. Bonya man geleñ fo tonkono, Ala k'a to an kono. Fen saba be dijne na, n'i y'o soro, i be Bisi ka baara nogn ke : ni den wolola ko ce don, a n'a fa danbe be na, a be na ni a ba barika ye, horonya sa, a b'o jini dijne kono yan. Bisi ye faso bonya, ka baso jo, a m'a ke nata kama, a m'a ke togo koson. Ala k'a to an kono. Dugutigi boñen ko yen, an b'a fe k'a don Bisi ye joniñ ye, Bisi be mun ke, mun y'a bila ka dugumakalanso kun filanan jo Sido ?

Bisi Tarawele : Ne Bisi ye Sidoka ye, ne ye Bumbala kono koka ye. Sabu n'i ba bora yoro minna i y'olu do ye. Beñe lajelen b'a don geleña min tun be kalanko la yan. Kalanbon folo

wooro min file nin ye, o dayelela kabini san 1970. K'a ta o la fo bi,



lakoliden caman ka kalan danna sira la, ala ni jatigilako geleña bolo dugu werew la. Bari n'i den temenna kalanso wooro kan, fo i ka taa n'a ye dugu were la i n'a fo Keleya, Buguni wali Bamako. N'e ka mogo te o yoro ninnu la, o de tun be denmisenni caman ka kalan dan sira la. Nin de y'a to ne Bisi y'a jini Ala fe, a ka ne deme n ka kalan kunfilanan sow jo Sido yan. Ne Bisi ye mobili dilanna de ye. Ne ma baara fila ke, n ma patoren fila ke. Kabini san 1961 fo bi, ne te baara were si jedon ni mobili dilan te. Ne ye n yere togola garasi dayelen san 1970, k'a ta o la, ka na se bi ma, baarakeyoro te an ka jama na in kono, min te ne Bisi don. N ye siñe kononton ke, n be taa Farajé jamana kan, ka taa do fara n ka donniya kan. Dijne ko bce be cesiri de ko. Ne Bisi ma don lakoli la, n ka ne ye n jija sufekalan na, ka tila ka karamogo ta, o ka ne kalan so, fo ka taa se kalanso kononton hake la. Mogo n'i be baara o baara ke, i k'i timinandiya. Wa n'i be fen o fen ke fo a kanu ka k'i la. Mogo fura y'i yere ye. Sido n'a lamini maaw, n'a ma ne ko Sido kera komini ye, bce k'i wasa don Sido la, k'a dilan. An ka togo diya b'o de la. N'an y'an faso jo, an denw be kunnadiya, an mansaw be kunnawolo.

Madamu Dumuya, Sido komini

merei. A fana y'an kunnafoni lakoliso in kan.

Meri : Dugumakalan kunfilana yoro in kunpan tun b'an na. Nka fasoden numan do y'a doni ta k'a bo an kun, n'o ye Bisi Tarawele ye. A y'a yere kun wari bo miliyon tan ni seegin ani tila, ka kalanbon saba jo, ka kalan nemaa ka sigiyoro jo, ka negen saba jo, k'u d'an ma. Kalansoko in diyara "CAP" nemaa ye Buguni, fo a y'a yamaruya ko nognandan in suguya fila bee be ke Sido yan ninan "CEP ani DEF". Cikan min be ne bolo ; minnu be komini kono yan ani minnu b'a kókan, sisan bee kera i yere ta ye, n'an y'an fanga fara. Nogn kan, Sido komini be taa ne. Ne m'a fo k'an be k'o de, bari maa i mana ke cogo o cogo, i be cema de. Wa lakoliso in, Sido kelen ta te, komini den bce de ta don. Minnu den b'a la nin, olu y'a diyayoro don. Sabu kalan kun filanan yoro tun te yan, fo i tun ka taa bilayoro nini i den na dugu werew la. Jamana nemaaaw ka lajini ye ka kalanso surunya kalankelaw la, ni Ala y'o do nognaya an ye, o ye fenba de ye an bolo an ka kan k'an wasa don min na, k'a lakana, ka topoto, walasa a ka sijan soro. Maa o maa, n'i be se fen o fen na, n'i y'a ke komini ye, i ye fasoden numanya ke.

Fanta Kulubali

Jekabaara

Labolikuntigi ni Sebenjekulu kungi
Tumani Yalam Sidibe
Sebenjekulu
Yusufu Fane
Tumani Yalam Sidibe
Demegognon
Fanta Kulubali
Idirisa Setigi Sako
Bonifasi Danbele
Negenw kebaga
Yakuba Jara ko Kayi
Baarakemognon
CMDT-World Wision
Ofisi Nizeri-Ofisi iri-OHVN
Hake bota
11000
Batakisira : 2043
Negejurusira : 29 62 89
Jamana baarada-Seki zeyedi togola
sira-Hamudalayi kin -Bamako